



ВЫЛЬ СІЗЕН



ОТДЕЛ
РЕЛИГИОЗНОГО
ОБРАЗОВАНИЯ

ИОАНН АПОСТОЛЛЭН ЫСТЭМ КЫКЕТЙ ГОЖТЭТЭЗ

¹Вөсяськисьёслэн валтйсьсы – быръем кузё-кышномуртлы но солэн нылпиосызлы. Соосты мон зэмзэ ик яратйсько, мон гинэ өвөл, ваньмыз зэмлыкез тодйсьёс ярато. ²Яратйсько со понна: зэмлык асьме пöлын улэ но пумтэм вапумьёс улоз. ³Асьме пöлын, зэмлыкен, яратонэн улйсьёс пöлын, Инмар Атайлэн но Атайлэн Пиезлэн Кузё-Инмарлэн Иисус Христослэн дэлетэз, гажан-жалянэз, каньыллыкез мед улоз.

⁴Мон туж шумпотй куд-огезлэн тынад нылпиосылдэн зэмлыкез санэ поныса улэмзылы, уго сыңе курон-косонэз асьмеос Атайлэсь басьтймы. ⁵Кузё-кышномурт, али тонэ курисько, – выль курон-косон уг гожтйськы, гожтйсько кутсконысеныз ик асьмелы сётэмзэ: огмес огмы мед яратомы. ⁶Нош яратон – со Солэн курон-косоньёсызья улон. Та – со курон-косон, кудзэ тй кутсконысеныз ик кылйды, со курон-косонья мед улоды-лэсьтоды шуыса. ⁷Уго трос визь тугасьёс дунне вылэ потйзы, кудьёсыз Иисус Христос лулмугорын лыктйсь шуыса уг тодыто. Сыңе адями – со визь тугась, антихрист. ⁸Чакласькыса улэлэ, медам ыштэлэ сое, мар бордын тыршимы, со понна тыр кузьым мед басьтомы шуыса. ⁹Кин Христослэн дышетонэзлэн сьöраз потэ, кин со дышетон бордын уг улы, сыңе муртлэн Инмарез өвөл. Христослэн дышетонэз бордын улйсьлэн вань Атаез но, Пиез



но. ¹⁰Кин ке тй доры лыктйз но съöraз та дыше-
тонэз öз ке вайы, сое коркады эн пыртэ, эн но
зечкылалэ. ¹¹Уго сое зечкылась мурт солэн урод
ужъёсаз пыриське.

¹²Трос мынам тйледлы веранэ, но чернилаен бу-
мага вылын уг поты вераме. Малпасько тй доры
лыктыны но ваче пуксьыса вераськыны, шумпо-
тонды пачылаз мед луоз шуыса. ¹³Тынад быръем
сузэредлэн нылпиосыз тыныд салам верало.
Аминь.

